

貴州通志



貴州通志卷之二十三

武備

師旅考

唐堯克三苗於丹水之浦以服南蠻

見竹書紀年注

虞舜命禹征有苗

殷成湯化異俗而懷鬼方

出匡衡疏

高宗三十二祀伐鬼方三年克之

周宣王時南蠻叛命方叔伐之

平王元年秦禦有蠻氏之戎是年晉文侯率蔡共侯擊蠻破之

楚威王遣將莊躋從沅水伐夜郎軍至且蘭椽船

於岸而步戰遂滅夜郎因留王滇中以且蘭有椽

船牂牁處乃改其名爲牂牁

詳苗蠻志

赧王三十五年秦昭王使白起伐楚畧取蠻夷如置黔中郡

漢元鼎五年南粵反使越馳義侯遣別將巴人發夜郎兵下牂牁江咸會番禺且蘭君恐旁國虜其老弱乃與其衆反殺使者及犍爲漢乃發嘗擊南粵者八校尉擊之會越已破校尉不下中郎將郭昌衛廣引兵還行誅隔者且蘭斬首數萬遂平南夷爲牂牁郡夜郎倚南粵南夷已滅還誅反者遂入朝以爲夜

始元元年牂牁談指同竝音等二十四邑凡三萬人皆反遣水衡都尉發蜀郡犍爲犇命萬餘人擊牂牁大破之

河平中夜郎王興與鈎町王禹漏臥侯俞更舉兵相攻遣大中大夫蜀郡張匡持節和解不從大將軍鳳薦金城司馬陳立爲牂牁太守及至牂牁諭夜郎王興興不從命立請誅之未報立召興數責

因斷其頭衆皆釋兵降

事詳名臣志

蜀漢建興元年夏牂牁太守朱褒反應雍闓

二年南蠻反李恢擊敗之

事詳名臣志

三年丞相諸葛亮南征以牂牁蠻長濟濟火爲先

鋒所至皆捷

事詳名宦志

延熙八年涪陵夷反車騎將軍鄧芝討平之

按晉志涪

陵卽夷費思播黔五州地

十一年南夷豪帥劉胄反馬忠討斬之

晉永昌元年李驤等寇寧州刺史王遜遣將姚岳

距戰於堂狼大破之

遜以姚岳不窮追寇鞭之怒甚冠裂而卒

二年梁水太守爨亮益州太守李邕以興古叛降

於李雄

三年以尹奉爲寧州刺史募徼外夷刺爨亮殺之

諭降李邕

咸和三年正月寧州秀才靡遺起義兵攻李雄將

世嗣李謙等繼遣其將羅恒賈黑木救寧州刺史
尹奉遣裨將姚岳朱提太守楊術接遺戰於登亭
岳等敗績術死之

八年正月李雄將李壽陷寧州刺史尹奉及建寧
太守霍彪並降於雄

咸康二年廣州刺史鄧岳遣都督王隨擊夜郎克
之

五年建寧人孟彥執李雄寧州刺史霍彪來降

寧康元年十一月苻堅取梁益二州邛笮夜郎皆

附於秦

太元中苻堅爲姚興
所殺二州復爲晉有

宋元嘉十八年十二月晉寧太守裴松子叛寧州

刺史徐循討平之

二十八年沿江蠻爲寇遣太子步兵校尉沉慶之等伐之

齊永明四年向宗頭與黔陽蠻田豆渠等五千人爲寇巴東太守王國南遣府司馬劉僧壽等斬之開道攻其砦宗頭夜燒砦退走

梁承聖三年徵南寧州刺史徐文盛詣荊州土人蠻瓚據其地延袤二千餘里遂授瓚南寧州刺史許其子震翫承襲

周保定二年蠻獠反詔開府陸騰討平之

蠻山川形勢隨便開道蠻獠畏威承風請服

隋開皇三年爨翫遣使朝貢命常冲以兵戍之置
蔡州協州昆州以爨翫爲昆州刺史

十七年爨翫叛以史萬歲爲行軍總管擊平之諸
蠻大懼請降

唐顯慶元年矩州人謝無靈反黔州都督李子和
討平之

天寶九載十月南詔閣羅鳳反取夷州三十二
六年辰叙二州蠻反寇播州費州

長慶二年黔中蠻叛劍南西川節度使段文昌使
人開曉蠻引退

開成三年牂牁蠻寇涪州清溪鎮鎮兵擊却之

晉天福五年楚王馬殷遣八姓帥率邕管柳州兵討兩江溪洞畱軍戍之遂各分據八番

宋乾德二年四月溪叙獎等州民相攻劫遣殿直牛允齋詔諭之乃定

至道二年六月黔州蠻寇鹽井巡檢使王惟節戰死

大中祥符四年牂牁蠻寇掠轉運使寇瑊調兵擊之

建炎二年調思州田氏兵討劇賊王闢

紹興六年詔沿邊溪洞諸州置弓弩手

知鼎州張翥言澧辰

沅靖與溪洞接壤祖宗時嘗置弓弩手得其死力比緣多故遂皆廢缺因詔同湖北路帥司以聞帥

司言營田四川舊制弓弩手九千一百一十人習
練武事散居邊境鎮撫蠻夷平居則事耕作緩急
以備戰守深爲利便今辰靖等州之兵防守今誠
復置分處要害量給土地訓練以時耕戰合度廢
可備禦以所餘閒田募人耕作歲收其租其於
邊防財賦各得其便可爲經久之計詔從之

討平之

乾道六年廬陽西口獠陽添朝寇邊知沅州孫叔

傑調兵數千討之敗績

初雋人與省戶變爭殺一人死叔傑輒出兵破其十

三柵奪還所侵地於是獯人相結爲亂諸司請調常德府兵三百人益官兵二千人合擊討之宰臣虞允文奏曰蠻夷爲變皆守臣貪功所致今獯人仇視守臣若更去叔傑量遣官單示以兵威徐與盟誓自可平定帝允其奏俾葉有代叔傑開示恩信諭以禍福遂招降之邊境悉平

嘉泰元年土官宋永高平麥新以其子宋勝守之

改麥新爲新添

新添名始此

嘉定六年八月思州田宗範謀作亂夔州路安撫

司遣兵討平之

寶祐四年五月羅氏鬼國遣報思播言元兵屯大

理國取道西南將大入邊詔思播結約羅鬼爲援

五年四月元兵攻苦竹隘詔京湖調兵援應○十

一月詔京湖帥臣黃平清浪平溪分駐屯戍庚辰

詔三邊郡縣官毋擅離職守諸制帥臣共嚴糾察

元至元十五年七月壬午朔官軍襲張烈良劉應

龍於思州烏羅洞

宋湖南制置張烈良提刑劉應龍與周隆賀十二起兵行省調

兵往討獲周隆賀十二斬之烈良等舉家及餘兵奔思州烏羅洞爲官軍所襲二人皆戰死

十六年兩淮招討使經歷劉繼昌招下西南諸番以龍方零等爲小龍番等安撫使仍以兵三千戍之

十七年三月甲辰思播州軍侵鎮遠黃平界命李德輝等往視之○巳未詔討羅氏鬼國命以蒙古軍六千哈剌章軍一萬西川藥刺海萬家奴軍萬人三道並進○六月壬申遣官告蠻部安撫使王阿濟同萬戶咎坤招諭羅氏鬼國○七月括蒙古軍成丁者勅亦來等率萬人入羅氏鬼國如其不附則討之○九月丁卯羅氏鬼國王阿察及阿里降安西王相李德輝遣人偕入覲○十月丁丑以

湖南兵萬人伐亦奚不薛降之壬辰亦奚不薛以

病遣其子入覲不苦

帝曰亦奚不薛不稟命輒以職授其從子無人臣禮宜令

亦奚不薛出乃還軍

十二月己卯羅氏鬼國土寇爲患思播

道路不通發兵千人與洞蠻開道戊子以征也可

不薛軍千五百復還塔海戍八番羅甸

十九年二月壬子詔僉亦奚不薛及播思叙三州

軍征緬國○三月辛酉朔烏蒙民叛敕那懷火魯

思迷率蒙古漢人新附軍討之○六月丁巳征亦

奚不薛盡平其地立三路達魯花赤畱軍鎮守命

藥刺海總之○九月壬申亦奚不薛之北蠻洞向

世雄兄弟及散毛諸洞叛命四川行省就遣亦奚

不薛軍前往招撫之使與其三偕來

二十年六月辛亥四川行省叅政曲立志思等討
平九溪十八洞以其酋長赴闕定其地立州縣聽
順元路宣慰司節制○七月丙寅立亦奚不薛宣
慰司益兵戍守開雲南驛路分亦奚不薛地爲三
設官撫治之壬申亦奚不薛軍民千戶宋添富及
順元路軍民總管兼宣撫司阿里等來降詔班師
以羅鬼酋長阿利及其從者入覲立亦奚不薛總
管府命阿里爲總管

二十一年四月壬寅勅發思播二家軍從征緬○
十二月劉繼昌諭降龍昌寧龍延萬等赴闕奉羊

貴州通志 卷之二十三
馬白鹽來貢各授本處安撫司立宣慰司招撫西
南等處酋長

二十七年七月貴州苗蠻三千餘人作亂劫順元
路入其城遂攻阿牙寨殺傷官吏其眾遂盛湖廣
省檄蔡州均州二萬戶府及八番羅甸宣慰司合
兵討之

三十年五月括思播等處亡宋涅手軍○十二月
遣使督思播二州及鎮遠黃平發宋舊軍八千人
從征安南

元貞元年始於黔中等郡置屯戍

大德元年九月八番順元等處初隸湖廣後改隸

雲南雲南戍兵不至其屯駐舊軍逃亡者衆仍命
湖廣行省遣兵代之○十二月播州宣撫司楊漢
英請以口力討平伐等未附蠻仍命湖廣省答刺
罕便宜收撫

五年五月壬戌雲南土官宋隆濟叛水西上官之

妻蛇節以其衆應之

時雲南行省右丞劉深將兵征八百媳婦由順元入雲南

調民供餽宋隆濟因給其衆曰官軍徵發汝等將盡剪髮黥面爲兵身死行陣妻子爲虜衆惑其言遂叛蛇節亦以劉深脅取其金三千兩馬二千匹遂偕羅鬼諸蠻以應焉六月丙戌宋

隆濟攻黃楊寨壬辰攻貴州知州張懷德戰死梁

王遣雲南行省平章幢兀兒叅政不蘭奚將兵禦
之殺賊酋散月斬首五百級○十一月丁未遣劉

國傑及也先忽都魯將兵萬人八剌及阿塔赤將兵五千人征宋隆濟

六年正月乙卯增劉國傑等軍仍令屯戍險隘俟秋進師○二月丙戌遣陝西省平章也速帶而魯政汪惟勤將川陝軍湖廣平章劉國傑將湖廣軍征亦奚不薛一切軍務並聽也速帶而劉國傑節制罷征八百媳婦右丞劉深等官收其符印驛券三月烏撒烏蒙東川芒部及武定威楚普安諸蠻因蛇節之亂乘釁起兵攻掠州縣命也速解兒分道率師討平之○十一月甲午劉國傑裨將宋光率兵大敗蛇節賜衣二襲仍授以金符○十二月